

## UVOD

Poslovanje preduzeća u savremenim uslovima teško je zamisliti bez kvalitetnih informacija, koje služe kao podloga za adekvatno upravljanje preduzećem i njegov uspješan razvoj. Upravo u tu svrhu i provodi se analiza poslovanja preduzeća, koja ima za cilj proizvesti takve informacije koje će omogućiti menadžmentu i vlasnicima nesmetan rast i razvoj preduzeća. Kao dio sveukupne analize poslovanja preduzeća pojavljuje se tzv. finansijska analiza ili analiza finansijskih izvještaja, koja se prvenstveno bavi vrijednosnim ili novčanim podacima i informacijama, a za cilj ima da primjenom različitih analitičkih sredstava i tehnika podatke iz finansijskih izvještaja pretvori u upotrebljive informacije relevantne za upravljanje.

### ❖ Problem i predmet istraživanja

U savremenim uslovima poslovanja i privređivanja vrlo je teško upravljati poslovanjem preduzeća bez ispravne odluke. **Problem** u današnjim uslovima poslovanja predstavljaju podaci koji su isključiva vezani uz finansijske izvještaje i putem njih se prezentuju, a odnose se na kvantitativno ili brojačno iskazivanje rezultata poslovanja, dok podaci koji se ne mogu iskazati brojačno, odnosno kvalitativno, nisu prikazani u finansijskim izvještajima, pa se zbog toga ne mogu analizirati. Upotrebom kvantitativnih i kvalitativnih informacija, dolazi do prenatrpavanja podataka pa i sama mogućnost ocjene poslovanja je manje razumljiva, tj. konfuzna. **Predmet** istraživanja treba usmjeriti na kvantitativne pokazatelje kao primarne u svim analizama, a da se izdvoje kvalitativna svojstva elemenata, odnosno te dvije analize je potrebno posmatrati odvojeno jednu od druge.

### ❖ Cilj istraživanja

Sama svrha izrade ovog rada jeste da se na jedan jednostavan i razumljiv način, kako ljudima koji su upućeni u problematiku finansijskog izvještavanja tako i onima manje upućenim, prikažu načini i postupci analize poslovanja preduzeća i ispitivanja uspješnosti tog poslovanja pomoću analize finansijskih izvještaja.

Znaci, cilj je pomoću metoda koje se koriste u finansijskoj analizi, uz korištenje samo finansijskih izvještaja dostupnih široj javnosti, dokazati finansijski položaj preduzeća „Mira“ a.d. Prijedor.

### ❖ Osnova hipoteze

Osnovna hipoteza rada glasi: Pomoću analize finansijskih izvještaja se može izvršiti ocjena finansijskog položaj preduzeća, a da se pri tome ne koriste kvalitativni podaci.

### ❖ Naučne metode

Metode koje su korištene u ovom radu su: komparativna i deskriptivna, metoda analize i sinteze, metoda indukcije i dedukcije, statistička metoda.

### ❖ Struktura rada

Rad se sastoji od četiri međusobno povezana dijela.

- **U prvom dijelu** rada dat je prikaz osnovnih pojmova vezanih za analizu, a uključuju sam pojam i predmet analize, njene ciljeve i zadatke, te različite vrste i metode analize.
- **U drugom dijelu** rada rezervisan je za upoznavanje sa setom temeljnih finansijskih izvještaja koje su, prema MRS i Zakonu o računovodstvu RS, preduzeća dužna

sastavljati i prezentovati javnosti, a sastoji se od: bilansa stanja, bilansa uspjeha, izvještaja novčanih tokova, izvještaja o promjenama o vlasničkom kapitalu, te računovodstvenih politika i zabilješki uz finansijske izvještaje.

- U **trećem dijelu** rada predstavljeni su temeljni instrumenti i postupci analize finansijskih izvještaja, sa naglaskom stavljenim na analizu finansijskih izvještaja pomoću finansijskih pokazatelja.
- U **četvrtom dijelu** rada ( pošto prvi, drugi i treći dio rada na neki način, predstavlja teoretsku bazu za praktičnu analizu finansijskih izvještaja) na praktičnom primjeru jednog uspješnog preduzeća u RS provedena je analiza finansijskih izvještaja, a obuhvata horizontalnu i vertikalnu analizu finansijskih izvještaja, te detaljan prikaz proračuna i značenja pojedinih finansijskih pokazatelja.